

Dem Durchleuchtig  
sten/ Hochgebornen Fürsten vn̄ Herrn/  
Herrn Augusto/ Herzogen zu Sachsen/ des heili-  
gen Römischen Reichs Erzmarschalln / vnd Churfürsten/  
Landgraffen in Düringen / Marggraffen zu Meiss-  
sen/vnd Burggraffen zu Magdeburg/et̄. Mei-  
nem gnedigsten Herrn.



Durchleuchtigster/ Hochgebor-  
ner Churfürst/ Gnedigster Herr/  
Nach dem ich aus teglicher erfah-  
rung/ eine gute lang zeit dohero / so  
viel erkundigt/ Das etliche ganz  
nötige vnd nütliche künste / so aus  
dem unwandelbaren vnter allen an-  
dern den warhafftigsten Künsten/  
der Geometria vn̄ Arithmetick her-  
fliessen/ Von dem mehrertheil eink-  
weder ganz vnbillich/ vnd vngründlich geführet werden/ vnd  
offtermals gar ein weites der warheit fehlen/ Nicht von des-  
wegen/ das die Demonstrationes Geometriæ, daraus sie  
fliessen/vngegründet vnd vngewiß sein solten / Sondern von  
vnGeschicklichkeit vnd nachlässigkeit/ derer die damit vngehen/  
Oder aber ob sie gleich dieselben warhafftig verstanden haben/  
Doch dermassen heimlich verborgen halten/ vnd andern miß-  
günnen/ gleichsam weren solche Künste/ ihnen alleine zu wissen/  
von Gott verlehren/ Vnd müste meüiglich einem man alleine  
(ohne dargethanen grund/) glauben vnd beyfall geben. Vn-  
ter die erste Sort/ gehört das Feldmessen/ welches sich ihr treff-  
lich

a. ij,

lich